

第四九八冊

博物彙編

神異典

佛經部

僧寺部

(卷)

100—10x

10x—110

古今圖書集成

中華書局影印



古今圖書集成

中華書局影印

欽定古今圖書集成博物彙編神異典

第一百卷目錄

佛經部彙考六

大藏聖教法寶標目

藏

聲聞契經藏諸小乘經
菩薩調伏藏
聲聞調伏

神異典第一百卷

佛經部彙考六

大藏聖教法寶標目

聲聞契經藏諸小乘經

摩鄢女經一卷

摩鄢女解形中六事經一卷

摩鄢伽經三卷

舍頭諫經一卷

右四經本同譯別前二經但是後經一品說摩鄢

女慕阿難欲以爲夫佛爲說法受度及說其本因

地有二十八宿等占候災禍種種法

鬼問目連經一卷

雜藏經一卷

餓鬼報應經一卷

右三經說餓鬼罪苦本因種種因果事

阿難問事佛吉凶經一卷

慢法經一卷

阿難分別經一卷

右三經本同譯別阿難問佛事佛有富貴諸和有
衰耗不偶者報護不同佛爲說此經

五母子經一卷

沙彌羅經一卷

右說羅漢見宿命爲五母作子五母思子皆涕泣

悲惱欲自殺羅漢見已故笑說此經

玉耶女經一卷

玉耶經一卷

阿迦達經一卷

右三經同本異譯說玉耶女嫁給孤獨長者子而

嬌慢無復婦禮長者請佛爲說法教戒爲婦之道

修行本起經二卷

太子瑞應本起經二卷

過去現在因果經四卷

右並說佛本修因地降生王宮出家成道種種所

示現事三經同本異譯

法海經一卷

海有八德經一卷

右二經同本異譯說大海深廣喻佛法難量

四十二章經一卷

右漢明帝夢金人身長丈六項佩日輪光明赫奕

飛在殿前乃詔郎中蔡愔等十八人往天竺尋訪

佛法永平十年遂與摩騰同來帝甚賞接所將像

馱以白馬因建寺曰白馬譯出此經是漢地經法

之祖也自此釋教相繼雲興以大化初傳人未深

信蘊其妙解不即多翻且撮經要以導時俗

余女耆域因緣經一卷

右奈女者迦葉佛時供佛一奈故九十一劫生奈
華中後生耆域號醫王能愈病起死此經說二人
本起因地

罪業報應教化地獄經一卷

右信相菩薩問衆生受苦之因佛說此經

龍王兄弟經一卷

右說目連降伏二大龍王

長者音悅經一卷

右說長者先富後貧之本因事

禪祕要經三卷

右佛說不淨觀數息法四大觀亦名白骨觀亦名

九次第想亦名雜想觀法所說次第境界甚詳

七女經一卷

右佛說過去世波羅奈國王有七女遊塚間觀死

屍各說無常法偈帝釋來讚喜問所求願七女答

欲得無根無枝無葉樹無形無陰陽地于深山大

呼耳不聞響天不能答往見迦葉佛問法授記後

皆作佛即涌身空中變爲男子

八師經一卷

右說不殺不盜不淫不妄言綺語兩舌惡口不飲

酒觀老病死苦修道難苦是爲八師

越難經一卷

右長者名越難家大豪富以慳貪故死爲乞婦作

子生盲無目復至其家乞而不獲打撲幾死佛力

使其自知宿命佛言富貴不布施與無財者等

所欲致患經一卷

右呵色欲過患勸修道脫苦

阿闍世王問五逆經一卷

右佛說阿闍世王以作逆罪命終墮地獄如拍鞠從彼命終生天中二十一劫不趣三惡道最後成辟支佛以得無根信故在黑繩地獄如人中七日重罪即盡出薩婆多毗尼明印婆沙第一

五苦章句經一卷

右佛言三界五道生死不絕有五苦八難五苦者一諸天苦壽盡劫衰相現難壽大劫要當皆死二人道苦難轉輪聖王不免生老病死衆生未脫三界苦惱災變死有萬端三曰畜生苦四曰餓鬼苦五曰地獄苦廣如經說八難地者三塗三四邊地五長壽夭六盲聾瘡痼手足殘跛七世智聰辯學世經典信衰倒見屠殺田獵不信三尊死入地獄從冥入冥無有脫時肆心放意誹謗聖道八生在佛前佛後佛言三惡道是一切衆生家暫得爲人爲天如作客日少歸家日多沙門已得出家如何不能放捨重擔謂著吾我人貪嗔癡慢專求利養自大輕人外似如法不制六情毀戒犯欲如此種種皆汝重擔如栴檀香貴于閻浮金又療人病服之即愈一切衆生莫不願得有人賣之而無買者佛說經法留在世間無人視者如束栴檀賣之而無買者父母夫婦兄弟知識奴婢有五因緣一曰怨家二曰債主三曰償債四曰本願五曰眞友給孤獨長者家有五福德因緣一曰時節不失禮敬二曰身教長者起時內外小大無不隨者三曰口言所作福事皆從其教四曰一味衣食平等奴婢亦然五曰和順上下不相違戾以是五福家中奴

婢牛馬六畜蜎飛蠕動死皆生天門內經聲不絕不與諸惡共作因緣亦是長者本願所致佛言三界五道罪垢苦惱非天授非人與亦非鬼神沙門梵志所與所作罪福如影隨形如響應聲不失毛髮此經教戒切至明備學者宜數誦讀

堅意經一卷

右說善惡獲報如種穀得穀等

淨飯王般涅槃經一卷

右說王臨終見佛生淨居天及說葬送王事

進學經一卷

右說諸比丘所當進學事

得道梯橙錫杖經一卷

右說比丘持錫法門

貧窮老翁經一卷

右老翁年二百歲而貧窮飢虛佛爲說其宿因

三摩竭經一卷

右三摩竭給孤獨長者女也女嫁難國王子國人

不聞佛法三摩竭毀冒外道請佛說法佛勸弟子

得神通者方得赴請于是諸大弟子等各現大神

變往赴此國見佛聞法受度者八萬人經中說賓

頭盧以神力赴集大山隨後孕婦見驚墮胎佛勸

不得入滅待彌勒下生彼國無大器熟食乾緒雖

是佛會中衆僧使人五通已備佛令乾緒背負萬

斛大釜手提百斛大杓飛空先往熟食美備故今

千僧大會處主事人往往畫像供養以祈冥祐

菩提王五願經一卷

琉璃王經一卷

右說王殺釋種生陷地獄

生經五卷

右類集五十五經如阿含總曰生經別說人天諸趣善生善報惡生惡報業生三途修羅道證聖果等種種因緣事相

義足經二卷

右類集一十六經總曰義足所說種種緣起善惡因果事理法義具足故

正法念處經七十卷

右正法念處法門經七十卷皆佛說初十善業道品說十業善惡因果苦樂等次生死品說一切世界衆生無始已來生死輪轉諸修行人當隨順正法思惟觀營三界諸趣次第捨漏捨不善法修行善法正住正觀地獄品說一百三十六種地獄種種苦報事相及元造惡業因緣餓鬼品說三十六種餓鬼種種苦報壽命長短增減業行種類差別畜生品說五道中畜生最多有二十四億種類差別及阿修羅衆與天鬪戰甚詳觀天品說諸天光明身量壽命飲食服器宮殿園林勝妙欲樂放逸福盡墮滅隨業流轉天界因緣事相種種甚詳天宮有壁鏡樹鏡現諸業果夜摩天上有六佛塔有無量勝妙功德利益天人無量又說比丘三十障礙法教戒切至若人供養說法師即爲供養現在世尊以聞法故憍慢者心得調伏貪著者信布施麤穢者心調柔有癡者得智慧迷因果者得正信衰見者入正見殺盜淫得遠離終得涅槃故說法

恩甚爲難報一者母二者父生身故恩不可報若令父母住于法中名少報恩三者如來度脫生死無上大師此恩難報若于佛法深心得壞信名報佛恩四者說法師供養此四種人得無量福于未來世能得菩提又聞法有三十二種功德身念處品說內外循身觀等種種法及四部洲衆生生死苦樂因果種種事相此經說三塗諸天事最詳最廣天品中說夜摩天王鵬王菩薩孔雀王菩薩說諸佛教戒天人種種法門文義富妙

佛本行集經六十卷
右說佛昔于往昔修因受記出家苦行成道度生及諸大比丘得度因緣等事
本事經七卷

右弟子集記佛說種種法門一法品二法品三法品大略如增一阿含經
興起行經二卷

右佛與五百羅漢在阿耨大池說自宿命因緣受報頭痛背痛擲石受謗木槍馬麥苦行六年等十事非父作母作非王作天作亦非沙門婆羅門作自造自受如來猶不免償報宿緣況復愚冥未得道者偈云因緣終不滅亦不著虛空當護三因緣莫犯身口意欲示人宿緣不可逃避

業報差別經一卷

右佛說一切衆生繫屬依止于業業有上中下差別不同壽夭妍醜疾病多少威勢大小族姓資生衰智正智六道苦樂貧富不等因果報復及禮塔施蓋幡鈴服器飲食香華靴履燈明等各十種

功德詞簡事備理趣詳妙

大安般守意經二卷

右說調息守意入禪法

陰持入經二卷

右說十八界三十七品等法

處處經一卷

右說善惡因果等種種法義

罵意經一卷

右說人當制意學道種種善惡因果事

分別善惡所起經一卷

右說五道善惡因果報應後偈說因果詳博及酒

有三十六失

出家因緣經一卷

右說優婆塞持犯佛戒善惡果報

阿含正行經一卷

右說善惡生死人當正行修道

十八泥犁經一卷

右說地獄種種苦事

法受塵經一卷

右說耽著塵染不得無上吉祥之道

禪行法想經一卷

右說彈指間修諸禪法不爲愚人虛食人施

長者懷惱三處經一卷

右說忤利天人壽終來生舍衛城爲長者子墮樹

死死已生龍中爲金翅鳥吞噉三處父母一時啼

哭一切生死因緣如幻如客

健陀國王經一卷

右說事婆羅門不能免生死惟事佛可以得道須摩提長者經一卷

右說長者喪子苦惱佛爲說無常法人得受度

阿難四事經一卷

右佛說教戒令阿難傳持

未生怨經一卷

右說瓶沙王子阿闍世王受調達惡友教作惡逆

四願經一卷

右說四願不可長保一謂空愛身命死則委去二謂財產官祿三謂親屬知識四謂不能守意正行

姪子五樂

黑氏梵志經一卷

右說梵志當墮地獄見佛得道

獬狗經一卷

右說誹謗道師當墮惡道

分別經一卷

右說六根塵造十惡業墮十八地獄未法比丘多作業等

八關齋經一卷

右說受八戒法其福不可稱量

阿鳩留經一卷

右說小施獲大果報

孝子經一卷

右說生育恩重惟化親聞法得道爲孝

五百弟子自說本起經一卷

右諸阿羅漢各自說得果本起種種因行佛亦

自說果報

大迦葉本經一卷

右說大迦葉見佛聞法得道

四自侵經一卷

右四謂夙夜不學老不止姪得財不施不受佛言

四者出心還自苦身

羅云忍辱經一卷

右說舍衛國有輕薄者以沙土著鷲露子鉢中及

擊羅云首流血夜半命終入大地獄受大劇苦佛說其種種苦報并說忍辱最爲大力說忍功德甚

詳

佛爲年少比丘說正事經一卷

右爲比丘略說法要

沙曷比丘功德經一卷

右沙曷比丘得羅漢果降伏毒龍

時非時經一卷

右說十二月時非時法

自愛經一卷

右說行善得果是爲自愛

忠心經一卷

右大目連以神足移石國中八歸仰佛爲說法

見正經一卷

右見正者弟子名也問佛人死已識神無還今人皆不知宿命識神所從來佛爲種種喻說深談生死輪轉流浪變易之理

大魚事經一卷

右喻人貪欲故墮生死如魚羅漁捕

阿難七夢經一卷

右阿難七夢憂怖問佛佛爲解脫

呵鵬阿那含經一卷

右說佛子善行功德不欲令人知

燈指因緣經一卷

右說燈指生而指出光明始終富貧種種因緣事

婦人遇辜經一卷

右婦人夫子父母舅姑皆橫死種種大苦惱因發

狂見佛受度事

四天王經一卷

右佛說六齋日天王太子使者諸天日月五星二

十八宿下人間伺察善惡人修五戒六齋等獲福得度

十二品生死經一卷

右說四果人下至三塗善惡生死有十二品

迦葉度貧母經一卷

右說大迦葉度貧老母從乞臭米汁飲之爲現

神足母大敬喜以此福生切利天說布施獲福無量事

輪轉五道罪福報應經一卷

右說五道罪福因果報應如影隨形事

五無返復經一卷

右舍衛國五人皆得道證父子耕地蛇嚙殺其子

父母姊妻奴皆說無常苦空法或者以爲不孝慈問佛佛說此經

佛大僧大經一卷

右二人兄弟也其一出家證羅漢果其一以姪殺

故墮地獄弟婦守貞生天

衰祇經一卷

右婆羅門先事外道後從佛受道復悔還戒佛爲

化度證羅漢果

末羅王經一卷

右說王國中有大石方數十里佛以足指挑石因

爲說法九億人受度

摩達國王經一卷

右說王錄國人征討比丘得羅漢亦見錄爲見神

足王悔過見佛聞法

旃陀越國王經一卷

右說兒在塚中三年不死佛說本緣

五恐怖世經一卷

右說後世比丘等不修道可恐怖事

弟子死復生經一卷

右說弟子死七日復生說更地獄受苦歸信佛法

佛爲說此經

懈怠耕者經一卷

右說耕者見佛欲禮敬問法復念耕種未竟須後

閑時佛說此懈怠人已經九十一劫過六佛不得

受度

辯意長者子經一卷

右長者子問佛六道善惡因果等事佛說此經

無垢優婆夷問經一卷

右說掃塔聖地香華供養禪定歸戒所得果報

賢者五福德經一卷

右說說法人得五福德謂長壽大富端正名譽聰

明

天請問經一卷

右天問佛答種種法義

僧護經一卷

右僧護舍利弗弟子也所見地獄人五十六種佛說是等比丘往昔罪業之因受是苦報教誡嚴備

佛弟子宜皆觀省

護淨經一卷

右說一比丘墮餓鬼中坐五百歲前以不清淨手觸僧食器以不清淨食著僧食中不持齋者食法會食六十萬世墮餓鬼中不得挾齋餘食歸給妻

子設齋會食不得先嘗皆作殘食不如不作

本櫨子經一卷

右說持三寶名二十萬遍生第三天滿百萬當得

向初果

無上處經一卷

右謂三寶為無上處

盧至長者因緣經一卷

右盧至富而慳以高慢為帝釋所嫉見佛證果

五王經一卷

右諸國王各敵王樂佛為說八苦即皆得果

出家功德經一卷

右說出家功德及勸障罪福

梅檀樹經一卷

右說背恩伐樹為樹神所殺

頻多和多耆經一卷

右說愚人不智施度

普達王經一卷

右王禮敬道人羣臣諫王王為說法因供佛得果

佛滅度後棺斂葬送經一卷

右說佛葬儀及佛鉢化緣

鬼子母經一卷

右說鬼子母食人子佛奉化受戒

梵摩難國王經一卷

右說王太子出家證阿羅漢說施富平等

父母恩難報經一卷

右說肩負父母經十年便利背上不足報生育恩

彌多耶致經一卷

右說外道聞佛說二十一事得道

新歲經一卷

右說受歲說戒舉過

羣牛譬喻經一卷

右說驢效牛入牛羣為羣殺喻比丘無沙門行微

妙比丘擯出界外

九橫經一卷

右說人有九因緣命未盡而橫死一者食不安食

二多食過度三不知時節方宜四食未消而復食

不時消吐五大小便不隨時六犯戒犯王法或飢

渴捶打驚怖憂死七不隨醫藥教誡八夜行妄衝

冒九房室過差或奔車馬牛蛇蝎水火逢拔刀人

醉人惡人淫樂經第二十六卷與此同

三十七品經一卷

右略說三十七菩提分法

避女惡名欲自殺經一卷

右比丘避惡名欲自殺天神為說法使忍辱修道

證阿羅漢

比丘聽施經一卷

右聽施比丘不樂道行樂著睡眠佛為說此經

身觀經一卷

右說幻身種種過患

無常經一卷

八無暇有暇經十卷

右八無暇謂三塗生長壽天生邊地六根不具信

衰倒見不值善導言八難之時無有閑暇可修道

業

長爪梵志請問經一卷

右婆羅門問佛因果種種法

譬喻經一卷

右說怖人墮井為惡象毒龍四毒蛇等迫逼論生

死五欲等

略教誡經一卷

右說出家人應勤斷無愧

瘡痔瘻經一卷

右有所持呪療一十六種悉皆消落

摩訶帝經十三卷

右佛因眾問今日捷連說釋種種過去所生種姓并

述佛出家成道度人事與本行集經所載同

信佛功德經一卷

右舍利弗對佛稱說佛種種最勝法及神通力

大三摩若心經一卷

右佛于眾會降伏魔等令住聲聞乘

決定義經一卷

右佛爲比丘說五蘊五取十八界至七覺支八正道諸法名決定義

長者施報經一卷

右佛爲給孤獨長者說較量布施功德

四品法門經一卷

右佛爲阿難說界處法緣起處非處法不了爲愚

人了者爲智人

信解智力經一卷

右佛說信解力法能證真實之理謂佛五力十力

惟佛能知非聲聞法

分別善惡報應經一卷

右佛爲輸迦長者父作大說六道善惡衆業受報

差別及飲酒三十六過及種種行施果報

阿羅漢具德經一卷

右佛說聲聞弟子各具功德及比丘尼烏波薩哥

烏波薩吉各具功德

七佛經一卷

右佛爲比丘說七佛壽命父母弟子城邑名

金光王童子經一卷

右佛爲釋種金光童子說及叙過去造像植福事

頻婆娑羅王經一卷

右與衆等至佛所諸婆羅門長者等見者舊優樓

頻螺迦葉侍佛有疑佛令迦葉現神變自稱是佛

弟子佛因爲王等說法令得見諦

毗婆尸佛經二卷

右說毗婆尸佛爲太子出家成佛度人說戒等

帝釋所問經一卷

右帝釋問佛盡愛斷除疑惑佛爲說法證果

嗟轍曩法天子受三歸獲免惡道經一卷

右帝釋爲天子受三歸命終生觀史多天

大正句王經一卷

右尊者童子迦葉破正句王妄見無有來世復無

有人亦無化生義

戒香經一卷

右佛爲阿難說戒戒香徧聞十方

舊城喻經一卷

右佛說觀十二因緣如被昔人所被之甲到昔人

涅槃之城借城爲喻也

十二因緣祥瑞經二卷

右佛爲大衆說用十二因緣配十二支位占人命

及運日占相以定吉凶

護國經一卷

右護國長者投佛出家證果爲父母及俱盧王說

捨親出家法

較量壽命經一卷

右佛說較量六道壽長短

人僊經一卷

右說阿難佛摩伽陀國頻婆娑羅王及諸優婆塞

生何處佛爲說王作人僊及人僊所說梵法

右彼天說十二宮分生人吉凶及諸宿攝于三趣

迦葉僊人說醫女人經一卷

右迦葉僊人說女人妊娠逐月安胎所服藥

諸行有爲經一卷

右佛爲諸比丘說一切人天聖人外道等皆歸死

滅

薩鉢多野經一卷

右佛說法無常劫盡七日並出火災燒器界

解憂經一卷

右佛說生死輪迴勸令求斷生死

菩薩調伏藏

菩薩地持經十卷

右說信解行三地亦攝十地此諸地能與諸菩薩

爲所依止處復能出生一切諸菩薩行故持者能

任攝持諸菩薩行願諸波羅蜜故名地持經中說

七地六是菩薩地一是菩薩如來共地一者種性

地二解行地三淨心地四行迹地五決定地六決

定行地七畢竟地從初發心及修六度萬行六神

通菩提分法及修相好因果等法門詳妙

菩薩善戒經九卷

右佛說諸菩薩修習六度萬行三昧六通供養三

寶兼利自他修相好業三十七助道品從初發心

至究竟地一切菩薩修學行相法門又名菩薩藏

經

淨業障經一卷

右比丘無垢光犯戒憂悔見佛求哀佛說此經復

爲授記未來成佛復說往昔勇施比丘犯淫殺戒

遇彌勒菩薩說法得無生忍勇施今已成佛號寶

月如來是經能破一切惡業結縛除一切障障

優婆塞戒經六卷

右佛爲長者子說是經廣明三歸八戒五戒供養

三寶六波羅蜜四無量心三種菩提修三十二相

業等法門義豐慧廣非惟爲在家菩薩修行龜鏡亦出家菩薩之軌範也趣菩提者所當精勤修學梵網經二卷

右此經梵本有一百一十二卷六十一品此是第十菩薩心地一品也羅什法師參定三乘經論五十餘部惟梵網經最後誦出別書出此心地一品什每誦持以爲心首當時三百餘人同誦此一品此經佛說十重四十八輕戒三世如來同說三世菩薩之所當學

受十善戒經一卷

右佛說受八戒是諸佛爲在家人制出家法及說十業善惡因果報應等事

大乘戒經一卷

右佛說戒爲最勝不可犯

菩薩瓔珞本業經二卷

右佛略說四十二位賢聖名字因果行相六入明門謂十住十行十向十地無垢地妙覺地明觀法門亦名六堅六忍六慧六觀瓔珞者謂銅寶銀金瑠璃摩尼水精如是六位菩薩以百萬阿僧祇功德瓔珞嚴持三種法身

佛藏經四卷

右佛說初諸法實相品說諸法無生無滅無相無爲次念佛品說念無分別即是念佛見諸法實相名爲見佛次念法品次念僧品第二卷淨戒品說破戒比丘有十憂惱箭訶叱種種破戒罪相第三卷淨法品深戒不淨說法得大罪報往古品淨見品說佛昔因累劫修學以有所得故不蒙諸佛授

記是經戒勸切至凡學佛者宜熟觀誦菩薩戒本一卷

右出地持戒品中慈氏菩薩記

菩薩戒本一卷

右出瑜伽論本地分中彌勒菩薩記

菩薩戒羯磨文一卷契法師譯

菩薩善戒經一卷

右說菩薩戒法持犯行相大略與戒本同

菩薩內戒經一卷

右文殊問佛初發意菩薩以何功德開化衆生佛說懺罪受戒十二時戒法十住功德

優婆塞五戒威儀經一卷

右說種種戒法

清淨毗尼方廣經一卷

宋調音所問經一卷

文殊師利淨律經一卷

右三經本同譯別宋調音天子問文殊答大乘法義菩薩聲聞不同行相等種種譬喻

舍利弗悔過經一卷

菩薩藏經一卷

大乘三聚懺悔經一卷

右三經皆舍利弗問佛懺悔滅罪速得菩提佛爲說滅一切業障懺悔勸請隨喜迴向等法校量所獲福報

菩薩五法懺悔經一卷

右說懺悔勸請隨喜迴向發願謂之五法

跋陀羅菩薩經一卷

跋陀羅菩薩經一卷

右文殊問跋陀羅菩薩答悔過發願勸請迴向等法校量所獲福報

文殊悔過經一卷

右文殊說菩薩懺悔勸請隨喜迴向發願等法

法律三昧經一卷

右說學菩薩道退轉過失外學仙人禪定等法

十善業道經一卷

右佛在龍宮說十善業因果功德

聲聞調伏藏

摩訶僧祇律四十卷

右摩訶僧祇者大眾也此根本調伏藏即大眾部毗奈耶也佛圓寂後尊者迦葉集于應真于王舍城竹林石室之所結也開元釋教錄云自摩訶僧祇律已下四十五帙四百四十六卷爲聲聞調伏藏者經云勝故祕故佛獨制故如契經中諸弟子或諸天說法律則不念一切佛說有十事利益故諸佛制戒一攝僧故二令僧一心故三令僧安樂故四折伏高心故五有惡婢人得安穩住故六不信者令得信故七已信者令增長長故八遮今世惱漏故九未生諸漏令不生故十佛法得久住爲諸天人開甘露施門故

律戒中犯重曰波羅夷次曰僧伽婆尸沙此云僧殘次曰波逸提次曰波羅提提舍尼次曰突吉羅皆梵語也云何名波羅夷破壞離散名波羅夷爲刀稍所傷絕滅命根比丘法中斷滅不復更生如人所頭更不還活爲惡所滅比丘法中更無所成故名波羅夷僧殘者如人爲他所斫殘有咽喉少

在不斷若得好醫良藥可除差無者不可差也
犯僧殘有少可懺悔之理遇清淨大眾懺悔可得
罪滅云何爲波逸提如被斫者少傷其皮不至損
命波逸提傷善處少波羅提提舍尼者非故心作
犯即懺悔故偷蘭遮者欲起大事不成也突吉羅
者此名惡作此出毗尼母論第七卷

十誦律六十一卷

右初誦四波羅夷法名異分若犯一事非沙門非
釋子失比丘法故名異分次僧殘不定捨墮墮法
波羅提提舍尼法衆多學法止諍法名不異分若
犯是事故名比丘故名釋子不失比丘法故名不
異分初誦一至六戒姪盜殺等法二誦七至十三
衣鉢等法三誦十四至二十戒用蟲水九十波逸
提說罪滅諍等法四誦二十一至二十八受具布
薩自恣安居皮革醫藥衣等法五誦二十九至三
十三施衣懺悔驅擯故出精苦切依止羯磨等法
三十四臥具三十五諍事法六雜誦三十六至四
十一種種制戒七誦四十三至四十六尼戒八誦
四十七至五十增一法九誦五十四優波離問事
十誦五十五至五十八善誦五十九說結集事六
十毗尼雜品
波羅夷者名爲墮法名爲惡法名斷頭法名非沙
門法不共住者如先白衣時犯姪行如針鼻缺不
可復用如人命盡不可復活如石破不可復合如
斷多羅樹心不可復生名非梵行法懈怠法狗法
可惡法
根本說一切有部毘奈耶五十卷

右武后時義淨等譯其序云佛說律爲本能生諸
善法如樹根爲本枝幹由是生律能遮毀禁如隄
防暴流三世諸賢聖遠離有爲縛皆以律爲本能
至安穩處若此調伏教安住于世間即是諸如來
正法藏不滅離此即便無安穩涅槃路能生衆功
德如地載羣生不調令善順如象馬鈞策律能防
破戒如城禦怨敵律是法中王諸佛之導首善道
之橋梁苦海大船筏險路之善導直昇無畏城佛
及聖弟子咸依律教住佛云我滅後戒是汝導師
仁等應至心善聽調伏教述制緣起所應學處凡
百餘條末有七佛說戒經偈

根本說一切有部毘奈耶二十卷

右佛制尼學處百八十法義第四第五部衆學法
七減諍法七佛說戒經偈與前五十卷毗奈耶事
多相涉而詳略有異
毗奈耶雜事四十卷
右四十卷中總有八門九十頌有種種制學處緣
法佛諸弟子勝光等諸國王及勝鬘行雨夫人璫
璃王誅釋子墮地獄難陀出家證果目連舍利子
入滅訶利底母愛兒等緣末數卷記佛降生入涅槃
結集等事
一切有部尼陀那五卷
一切有部目得迦五卷
右種種制學處多與前部相涉而詳略有異
五分律三十卷
右宋景平元年佛陀什等所譯即化地部毗奈耶
藏佛圓寂後三百年中從說一切有部之所出也

與十誦律根本毗奈耶多相涉此律分作五五分
爲部類界限不同故第一分十卷波羅夷法第二
分尼波羅夷法十一至十四第三分十五至二十
二受戒法衣法藥法食法等第四分第二十三至
二十四減諍法等第五分二十五至三十初破僧
法雜法等

四分律六十卷

右姚秦佛陀耶舍等譯序偈云衆經億百千戒爲
最第一如王治正法如醫治衆病若有捨戒者于
佛法爲死持戒如護命守之無毀失譬如得王印
所往無畏礙小毀則不定大毀入三惡

根本說一切有部戒經一卷

十誦比丘戒本一卷
五分比丘戒本一卷
僧祇律比丘戒本一卷
僧祇律比丘尼戒本一卷
十誦律比丘尼戒本一卷
根本說一切有部苾芻尼戒本一卷
右七經同帙僧律四波羅夷十三僧殘二不定三
十捨墮尼薩耆波夜提九十波夜提四悔過波羅
提提舍尼衆學法七減諍法尼律八波羅夷十九
婆尸沙一百四十一波夜提餘尼薩耆波夜提衆
學減諍法數同佛制半月布薩說戒即此本也
四分解脫戒本一卷
四分戒本一卷
四分僧戒本一卷
右本同譯別

四分比丘尼戒本一卷
五分比丘尼戒本一卷

右尼律八波羅夷十七僧殘三十捨墮一百七十八墮法五分二百一十八悔過衆學法七減淨法

沙彌十戒經并七十二威儀法一卷

沙彌威儀一卷

沙彌尼戒文一卷

沙彌尼戒經一卷

右經題名義自具

舍利弗問經一卷

右佛說涅槃後律分爲五部因緣舍利弗問佛制律或開或遮疑義及八部鬼神何故生于惡道而見佛聞法等事

根本說一切有部百一羯磨十卷

右梵語羯磨此云時到亦云辦事謂集僧出家授戒出白衆罪悔過折伏諫擯等法百一者舉其大數與大律數雖不同無違妨也

大沙門百一羯磨一卷

羯磨上下二卷

曇無德律部雜羯磨一卷

十誦羯磨比丘要用一卷

彌沙塞羯磨本一卷

四分比丘尼羯磨一卷

優婆塞問佛經一卷

右優婆離問戒律種種事

四分律刪補隨機羯磨二卷

右唐宣律師集

四分僧羯磨三卷

右唐懷素集

四分尼羯磨三卷

右懷素集

大愛道比丘尼經二卷

右佛說比丘尼當受八敬法復受十戒行十事等乃受五百具足大戒佛法當住千歲以阿難大愛道累請度尼故減五百歲然佛言若女人作沙門精進持戒不犯毛髮現身化成男子復說受請受食行路入室出戶種種戒法當除減八十四態法佛般泥洹後當有二十比丘尼末世時有八萬比丘尼奉持是法律皆得阿羅漢其餘者却後百三十劫當復奉是法律得阿羅漢

迦葉禁戒經一卷

右說眞沙門持戒行道不惜壽命不求供養有不行沙門法者不名沙門如貧人稱名大富如醫師不自愈病如摩尼珠墮不淨中如死人著金銀珍寶

目連問戒律中五百輕重事經一卷

右佛說戒律中罪犯輕重事理精詳

佛說戒消災經一卷

右說持歸戒人鬼神畏避不敢害犯

優婆塞五戒相經一卷

右戒殺盜淫妄語飲酒可悔不可悔有罪無罪僧伽婆尸沙二百三十億四千歲犯波羅夷九百二十一億六千歲佛言比丘比丘罪等事理精詳

根本說毗奈雜事攝頌一卷

一切有部毗奈耶尼陀那頌一卷
根本說一切有部毗奈耶頌五卷

右以少偈頌收戒律廣文總括宏綱使易記憶西域尊者毗舍佉等造

根本薩婆多部律攝十四卷

右尊者勝友造于佛戒律中以略顯廣明舉持犯輕重種種學處并佛略教非遽非許清淨不清淨等諸所有事皆明其義與諸部毗奈耶等多相參照

毘尼摩得勒迦十卷

右說戒律中持犯輕重種種法參照諸部事理甚詳

鼻奈耶八卷

右鼻奈言去奈耶言眞也去若十非而就眞也牟伏此心息此心忍不起牟伏戒也息定也忍智也三世佛法藏祕要訓三乘聲聞使得道成佛皆從戒律始此律一部姚秦世初所譯律也制戒之因持犯輕重與諸部律多同但詞有詳略耳

善見律毗婆沙十八卷

右律毗婆沙名善具足分別戒相不雜他語于律中因緣根本所說義味具足善能分別一切律藏無有障礙故名具足第十八卷舍利弗與優婆離問答律義甚詳

佛阿毗曇經二卷

右出家相品說一千阿僧祇世界衆生所有功德成佛一毛孔如是遍身毛孔功德成一好如是八十種好功德增百倍成如來一相三十相功德增

千倍成一毫相千毫相功德增百倍成無見頂相
次說十二因緣四諦等法義甚詳次說佛爲衆演
法受具乃至廣說滅惡法度人出家等事

毘尼母論八卷

右毗尼此名滅滅諸惡法故母論者廣攝律義故
律藏外諸義一切經要皆在此中如衆流入海制
戒因本皆在此中

大比丘三千威儀經二卷

右說行住坐臥衣服飲食等種種規繩詞簡事詳
委曲精盡

薩婆多毘尼毘婆沙九卷

右此解十誦律論大解律中九十事及悔罪衆學
減諍等法

律二十二明了論一卷

右分別解釋律中所立名義

欽定古今圖書集成博物彙編神異典

第一百一卷目錄

佛經部彙考七

大藏聖教法寶標目 菩薩對法藏大乘釋經論
大乘集義論 聲聞對
法藏 有譯有本聖賢傳記

神異典第一百一卷

佛經部彙考七

大藏聖教法寶標目

菩薩對法藏大乘釋經論

大智度論一百卷

右龍樹菩薩造釋大般若經富詞妙辯理精事廣
西域學者無不欽崇什法師云余若廣譯千卷有
餘爲秦人識劣十分存一蓋從略也故至三十八
卷纔譯初品云

十地論十二卷

右天親菩薩造釋華嚴經中十地品

大乘寶積經論四卷

右解釋寶積第四十三會

彌勒菩薩所問經論六卷

右解寶積經中第四十一會第五卷解十二支因

緣義甚詳

寶髻菩薩四法經論優波提舍一卷

右天親菩薩解釋大集經四十七會寶髻菩薩品

優波提舍此名論

佛地經論七卷

右親光菩薩提造經說五法爲佛地一清淨法界二
大圓鏡智三平等性智四妙觀智五成所作智
經詮此理論詳解釋

金剛般若經論三卷

右無著菩薩造論釋經

能斷金剛般若波羅蜜多經論頌一卷

右無著菩薩造頌釋經

金剛般若波羅蜜多經論三卷

右天親菩薩造論解經

金剛般若波羅蜜經破取著不壞假名論二卷

右功德施菩薩造論釋經

能斷金剛般若經論三卷

右無著菩薩造頌釋經世親菩薩釋義

文殊師利問菩提經論二卷

右天親菩薩造論解經

妙法蓮華經優波提舍一卷

右天親菩薩造論略釋法華經義

法華經論二卷

右天親菩薩造論釋經

遺教經論一卷

右天親菩薩造論釋經

勝思惟梵天所問經論三卷

右天親菩薩造論釋經

三具足經論一卷

右天親造論三具足者一施二戒三聞具攝衆行

解釋三法門事甚詳而經本未譯
轉法輪經優波提舍一卷

右天親說佛成道已爲五比丘等及諸天人初轉
法輪優波提舍此云義門

涅槃經論一卷

涅槃經本有今無偈論一卷

右皆天親造論略釋涅槃義

無量壽經論一卷

右天親作偈復作論釋偈說極樂國功德莊嚴種
種勝妙勸求往生詞簡義廣理事圓具

大乘集義論

瑜伽師地論一百卷

右無著菩薩各問彌勒大乘經義還問浮提以己
所聞爲餘人說多不生信無著即自發願請彌勒
夜降闍浮放大光明廣集有緣誦出十七地經隨
所誦出隨解其義經四月夜方竟雖同在一堂聽
法性無著得近彌勒餘但遙聞此論契法師譯梵
語瑜伽此云相應謂一切乘境行果等所有諸法
皆名相應境謂一切所緣境此境與心相應故名
相應行謂一切行此行與理相應故名行相應果
謂三聖果此果位中諸功德法更相符順故名果
相應師謂三乘行者由聞思等次第習行如是瑜
伽隨分滿足展轉教人故名瑜伽師地謂十七地
境界謂五識相應地意識相應地有尋有伺地無
尋有伺地無尋無伺地三摩呬多地非三摩呬多
地有心地無心地聞所成地思所成地修所成地
聲聞地獨覺地菩薩地有餘依地無餘依地

顯揚聖教論二十卷

右無著菩薩造宣說瑜伽師地論中要義顯揚聖教文約義周使人易曉區別義類爲十一品錯綜該羅法義深廣

瑜伽師地論釋一卷

右最勝子等諸菩薩造略釋瑜伽師地法義

顯揚聖教論頌一卷

右無著等造頌十一品釋諸法要

王法正理論一卷

右彌勒菩薩造說出受王問佛言有詞諫我不真實過失心不悔惱有讚我不真實功德心亦不喜唯佛能知諸王過失功德真實願爲我說佛言王有九種過失一不自在二性暴惡三猛憤發四思惠薄五受表依六所作不思七不顧善法八不知差別九縱任放逸無此過失爲九功德又有五種衰損門五方便門又有五可愛樂法王能遠離過失修習功德當復一切利益安樂

大乘阿毘達磨集論七卷

右無著菩薩造解釋五蘊十八界六度四攝四無量行四諦三十七菩提分等法義令後學披覽略文知深廣妙義

大乘維集阿毘達磨論十六卷

右安慧菩薩翻釋上集論

中論四卷

右龍樹菩薩造佛入滅已論宗紛諍大士依大般若義造論以折中此論無言不窮無法不盡會通眞俗有無斷常之邊見故名曰中論亦名中觀以

觀辯于心論定于口耳般若法師序云百論治外以開邪中論祛內以流滯大智釋論之淵博十二門觀之精詣尋斯四者眞若日月無不朗然鑒徹矣予翫之味之不能釋手云

般若燈論十五卷

右龍樹菩薩本分別明菩薩釋顯深妙法明佛道因破迷滅闇息諸惡見分別照明列爲二十七品與中論本同譯異

十二門論一卷

右龍樹造般若法師序云十二門者總衆枝之大數門者開通無滯之稱窮理盡性實相之折中道場之要軌也

十八空論一卷

右十八空者一內空二外空三內外空四大空五空空六眞實空七有爲空八無爲空九畢竟空十無前後空十一不捨離空十二佛性空十三自相空十四一切法空十五無法空十六有法空十七無法有法空十八不可得空

百論二卷

右提婆菩薩造天親釋摩法師序云此論以百爲名理致淵元統羣籍之要文義婉約窮製作之美什法師常所誦味以爲心要

廣百論一卷

右聖天菩薩造釋百論法義

廣百論十卷

右聖天菩薩造論護法菩薩釋論破一切執有滯空之見妙開中道使學者了悟眞空故唐元奘三

藏于西域法師隨聽隨譯成此十卷

右龍樹造大不思議論十萬頌釋華嚴經備傳西域此論十六卷卽是彼論釋十地中初二也

菩提資糧論六卷

右龍樹菩薩造說諸菩薩求無上菩提皆以般若波羅蜜多爲母諸佛皆由此出生故六度萬行三十二相出生之業及種種菩薩之行微妙法門詞約義廣理圓事備求一切智者之妙門大路

大乘莊嚴經論十三卷

右無著菩薩造解釋大乘菩薩從初發心至成一切智修習證入種種功德法門天竺三藏云西域大小乘學皆以此論爲本于此不通未可弘法論初說造此論者以五義譬一如金成器令信向轉彼心故二如華敷開示彼故三如食美饌得法味故四如解文字爲令修習更不思故五如開寶篋實證得故

大乘莊嚴經論十五卷

右馬鳴菩薩造說菩薩修習大乘功德種種法門

順中論二卷

右龍樹造無著菩薩釋破空有二邊之執是般若波羅蜜多初品空義

攝大乘論三卷

右無著菩薩造眞諦三藏第一譯收攝一切大乘聖教法門要義總集于此而辨明之

攝大乘論三卷

攝大乘論二卷

右與前論本同譯別

攝大乘論釋十五卷

右論本二卷無著造釋論十二卷世親菩薩造解
兄論本義

攝大乘論釋十卷

右晉西竺三藏達摩笈多譯

攝大乘論釋十卷

右唐元奘譯第三出已上三論釋本同譯別

攝大乘論釋十卷

右無性菩薩釋唐元奘譯與前三論本同譯別
佛性論四卷

右天親菩薩造解釋佛說一切衆生皆有佛性論
十品說自性十相爲顯二義一顯本有不可思議
境界二顯依道理修行可得三顯已能令無量
功德圓滿究竟故造斯論

決定藏論三卷

右顯了大乘全量八識心境分量善惡因果論述
此理決定無移

辯中邊頌論一卷

右彌勒說執空執有爲二邊虛妄分別有于此二
都無此中惟有空等頌辯中邊二義故

中邊分別論二卷

辯中邊論三卷

右世親菩薩造釋彌勒中邊論頌此論說七義一
相二障三眞實四修諸對治五卽此修分位六得
果七無上乘

究竟一乘實性論四卷

右不顯造者顯示第一義諦佛性體相德用等

大乘成業論一卷

業成就論一卷

右本同譯別天親菩薩造業謂身口意三業以一
切造善造惡生聖處墮惡道皆不離三業而得成
就

因明正理論本一卷

因明正理門論一卷

右陳那菩薩造本同譯別詳略有異唐譯後序云
此論抗辯標宗摧衰顯正因談照實明障顯理入
言趣本正以離衰西方時彥鑽仰彌深

因明正理門論一卷

右大龍菩薩造釋因明論

唯識論一卷

右天親菩薩造本論序云此是諸佛甚深境界非
是凡夫二乘所知此論本末明三種空一者人無
我空二者因緣法體空三者眞歸佛性空我空者
凡夫妄想于五陰因緣法中見我爲有實不可得
猶如兔角五陰無常我亦無常如是知者名人無
我空因緣法空者如薪火相待無實離薪無火離
火無薪見火說假名薪見薪說假名火能成所成
相待不離能所亦實無是名因緣法體空眞如法
空者佛性名第一義空無世間色相有爲法故非
是同于無性法故以具眞如法體故名不空空是
名眞如法空實無前境界但衆生妄見有外境界
故名唯識又名破色心論但破虛妄煩惱結使心
不破佛性清淨心也

唯識二十論一卷

唯識三十論一卷

大乘唯識論一卷

右天親菩薩造

轉識論一卷

顯識論一卷

右已上並說三界唯識法義

成唯識寶生論五卷

右天親造三十本頌說唯識義護法菩薩造論五
卷解釋成前三十頌義亦名二十唯識論釋

成唯識論十卷

右護法安慧菩薩等十師造此論能成就天親三
十頌論令義理圓成故名成唯識論盡逐理之微
闡法王之奧爲令學者破空有迷謬執生正解斷
重障證眞解脫故

大丈夫論二卷

右提婆菩薩造論云能成種智果施因爲最大一
切衆事具無不由施成施是生大道出世之胞胎
救一危難人餘勝一切施一切善法行悲心施爲
首二十九品廣說施法

入大乘論二卷

右堅意菩薩造欲爲衆生遮苦因故爲救偏執家
見顛倒思維不解實義不順佛智謗正法得大罪
報者如是得生聞修思乃至具足一切智故

大乘掌珍論二卷

右清辯菩薩造序云爲悲憫世間種種邪見生死
籠樊無量憂苦故欲令學人易證眞空速入法性

故略製此如掌珍論

大乘五蘊論一卷世親菩薩造

大乘廣五蘊論一卷安慧菩薩造

右說色蘊十五種受蘊八種想蘊亦八種行蘊有七十三法識蘊亦八種造善造惡生樂趣苦趣有無量功能積聚故名蘊

寶行王正論一卷

右說一切國王御國治民善惡功罪違理順理苦樂因果修集相好敬愛正法等種種法門

大乘起信論一卷

右梁真諦第一譯馬鳴菩薩撮略百本大乘經宗旨造此論爲欲令衆生除疑捨妄執起大乘正信佛種不斷故

大乘起信論二卷

右唐實叉難陀譯與前真諦所譯本同譯別文或有異序述其詳云大乘明鏡莫過于此

發菩提心經論二卷

右說發菩提心因緣功德天親造論廣明經義

三無性論二卷

右三無性者一分別相無自性二依他生無自性

三眞實勝義無自性

方便心論一卷

右如鍊金須藉爐火人工爲其方便乃可成金菩薩修行須明達佛理以爲方便乃得成道

如實論一卷

右如無乖異實非妄倒義理眞實

無相思塵論一卷

右陳那菩薩造意識細境非緣外境故名無相識

心分別至鄰虛位極微細故名思塵

觀所緣緣論一卷

右陳那菩薩造心爲能觀緣境爲所觀心境非一故言所緣緣如眼觀色境色是所緣眼識爲能緣等

觀所緣緣論一卷

右護法菩薩造解釋前論

迴諍論一卷

右佛入滅後異見徧執遂多諍論龍樹造論迴邪歸正一切論義皆能解釋

緣生論一卷

右解在緣生經

十二因緣論一卷

右解十二支法義

壹輪盧迦論一卷

右龍樹造說一切法自體性空故無有常一切佛緣覺聲聞于空法中而得出離非于諸行斷常法中而得解脫

取因假設論一卷

右陳那菩薩造取者執也因者對果假者虛妄設者施設佛化衆生不壞世間依假施設事而宣法要使之開悟未斷煩惱

觀總相論頌一卷

右陳那菩薩造諸法有總相別相差別

止觀門論頌一卷

右世親菩薩造七十頌論修習定慧是入聖妙門

手杖論一卷

右論言世間一類有情爲無慧解便生衰執由此沈淪爲憐憫此等愚蒙作手杖論

六門教授習定論一卷

右無著本天親釋爲欲利益一切有情令習世出世定速離煩惱得解脫故說此修習靜定法門佛言先當依定能盡有漏求出生死海者離于正定無別方便

大乘法界無差別論一卷

右說衆生界不異法身法身不異衆生界平等解脫一味無別如日輪爲雲所覆而性常清淨

大乘百法明門論一卷

右天親造一切法略有五種一心法略有八種二心所有法略有六種徧行有五別境有五善有十一煩惱有六隨煩惱有二十不定有四三非法略有十一種四心不相應法略有二十四種無爲法略有二種

百字論一卷

右提婆造破我見等一切諸法各有自相義

解捲論一卷

右論云三界惟以言名爲體由強分別非實有法爲生不顛倒智故造此論

掌中論一卷

右陳那菩薩造說三界但有假名實無外境由妄執故謂繩爲蛇善觀譬時繩亦無實體妄識分別知相假借無實可得知一切法但是假名

提婆菩薩破外道小乘四宗論一卷

提婆菩薩破外道小乘四宗論一卷

右破外道論師一切法一異俱不俱四宗義
提婆菩薩釋楞伽經中破外道小乘涅槃論一卷

右解釋佛說涅槃因果正義破二十種諸外道妄
見異論

大乘緣生論一卷

右詳解十二緣生法門

金剛瑜伽中發菩提心論一卷

右大廣智說修瑜伽人身雖人身心同佛心以祕
密加持頓同諸佛華嚴經云無一衆生而不具有
如來智慧但以妄想顛倒執著而不證得若離妄
想一切智自然智無礙智則得現前知一切衆生
究竟成佛又云信解清淨心自悟不由他具足同
如來則超凡夫位入佛所行處生在如來家令修
行者觀照本心湛然清淨猶滿月徧虛空皎潔分
明合普賢之心速具一切智

金剛針論一卷

右法稱菩薩造破闍陀論妄執稱婆羅門種性行
業最高等

聲聞對法藏

阿毗曇八健度論三十卷

右迦旃延子造竺佛念等譯阿毗曇者此云無比
法健度者此云聚即法聚也解釋種種法義謂初
說世間第一法頂法暖法次十二緣九十八使結
繫四果見諸三界所斷煩惱四諦七覺意八智等
法此論三十卷分爲八健度八部法類不同故一
雜二結使三智四行五四大六二十二根七定八
見八健度中復列四十四品一雜雜明諸事故二

結使明諸根煩惱三釋智慧差別四辯善惡義
正諸行五明淨根智證見聖諦理六辨利鈍根乘
行業差別七明四禪八定差別八明意止欲想時
節見解各不同故此論中性相理事法數無邊故
名法聚亦是藏之別名故新論作八種

阿毘達磨發智論二十卷

右契法師譯與阿毘曇論本同譯別譯文順暢即
是說一切有部對法藏之根本佛圓末後三十年
中論師迦多衍尼子之所造也後代傳人本有廣
略此發智論文義具足傳習之者號爲身論以餘
論各辯一支有異于身故

阿毘達磨法蘊足論十二卷

右大目犍連造集衆法寶聚普施羣生論首偈曰
阿毘達磨如大海大地大虛空具攝無邊聖
法財今我正勤略顯示其總頌曰覺支淨果行聖
種正勝足念諦靜慮無量無色足覺支離根處蘊
界緣起

法蘊足論者蓋阿毘達磨之權輿一切有部之洪
源也大目犍連所製鏡六通之妙慧晰三達之智
明抱金鼓于大千聲玉螺于百億摘藏海之奇苑
鳩教山之勝珍使天鏡常懸法幢未樹衆邪息藩
籬之望諸子騁遊戲之歡也佛涅槃後百有餘年
曇啓五分之殊解開二九之異雖各擅連城之貴
俱稱照乘之珍唯一切有部卓乎迥秀若妙高之
處宏海猶朗月之冠衆星者豈不以本弘基永者
歟至如八種健度驚微于發智之場五百應真馳
譽于廣說之苑斯皆挹此涓波分茲片玉遂得駕

羣部而高蹈接天衢而布武是知登崑閬者必若
樓于衆山游溟渤者亦坳塘于羣澗矣

阿毘達磨集異門足論二十卷

右佛令舍利弗代我爲衆宣說法要自一法二法
以至十法一法者一切有情皆依食住一切有情
皆依行住二法品謂名色等總二十七門三法有
十謂善不善根各三善不善尋各三惡行妙行各
三三界欲害三三界出離四法有十謂四念住四
正斷四神足四靜慮四聖諦四想四無量四無色
四聖衆四沙門果次五法次六法以至十法佛歎
善哉善哉汝能結集如來所說增一法門復告苾
芻衆汝等皆應受持讀誦能引大善大義大法清
白梵行菩提涅槃

集謂聚積異謂差別法門名相各別異故足謂周
足舍利子智慧第一于佛所說法十二分教中增
一名數勒爲一聚廣大周足故

阿毘達磨識身足論十六卷

右提婆說磨阿羅漢造論初頌曰阿毘達磨正法
燈心中淨眼智根本三界照明慧眼道一切法燈
佛語海能發勝慧破諸疑是諸聖賢法衢路了此
勝法至聰明悟斯聖教眞佛子

阿毘達磨界身足論三卷

右尊者世友造說十大地法十六煩惱地法十小
煩惱地法五惱五法數性相事理各各體性差別
如地水火風四大欲色無色十八界等各不同故
名界多界共聚集故名身攝義周圓滿足故名足
總通大小乘三界九地五位修斷行門故